



PEKELILING AKADEMIK BILANGAN 2 TAHUN 2021

PELAKSANAAN PENGAJARAN DAN PEMBELAJARAN (PdP) BAGI SEMESTER II SESI 2020/2021 SECARA HIBRID DI UNIVERSITI TEKNIKAL MALAYSIA MELAKA

Pejabat Pendaftar
9 Mac 2021

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM 100-1/3/6 (4)

9 Mac 2021

PEKELILING AKADEMIK BIL. 2/2021

PELAKSANAAN PENGAJARAN DAN PEMBELAJARAN (PdP) BAGI SEMESTER II SESI 2020/2021 SECARA HIBRID DI UNIVERSITI TEKNIKAL MALAYSIA MELAKA

1.0 TUJUAN

Pekeliling Akademik ini bertujuan untuk memaklumkan kepada semua staf dan pelajar mengenai pelaksanaan Pengajaran dan Pembelajaran (PdP) secara hibrid bagi Semester II Sesi 2020/2021 di Universiti Teknikal Malaysia Melaka (UTeM).

2.0 LATAR BELAKANG

- 2.1 Kementerian Pengajian Tinggi (KPT) telah mengeluarkan Kenyataan Media pada 31 Januari 2021 dan Surat Edaran Kementerian Pengajian Tinggi pada 9 Februari 2021 berkenaan kemasukan pelajar ke kampus secara fizikal bermula 1 Mac 2021 dan cadangan kaedah pengajaran dan pembelajaran (PdP) yang sesuai bagi memastikan penularan virus COVID-19 di kampus dapat dikawal dan juga memastikan keperluan program akademik dapat berjalan dengan baik.
- 2.2 Pihak MQA dan badan-badan akreditasi program akademik seperti EAC, ETAC dan MBOT juga telah mengeluarkan beberapa langkah-langkah yang bersesuaian bagi membantu dalam pelaksanaan program akademik. Mereka juga sentiasa menambah baik panduan mengikut keperluan.
- 2.3 Berdasarkan Kalendar Akademik Program Diploma dan Sarjana Muda Sesi Akademik 2020/2021 menjelaskan bahawa kuliah Semester II Sesi 2020/2021 akan bermula pada **15 Mac 2021**. Sehubungan dengan itu, melalui Mesyuarat Senat Bilangan 2/2021 yang bersidang pada 24 Februari 2021 telah bersetuju untuk melaksanakan PdP secara hibrid pada Semester II Sesi 2020/2021.

3.0 KADEAH PELAKSANAAN AKADEMIK SEMESTER II SESI 2020/2021

- 3.1 Melalui Kenyataan Media bertarikh 31 Januari 2021 dan Surat Edaran bertarikh 9 Februari 2021, KPT telah mencadangkan kemasukan semula pelajar ke kampus secara fizikal.
- 3.2 Mesyuarat Eksekutif Bilangan 1/2021, UTeM telah memperincikan kategori pelajar berkeperluan untuk kebenaran masuk ke UTeM secara fizikal iaitu:

Kategori Pelajar	Perincian Kategori Pelajar Berkeperluan
Memasuki kampus dan menginap di Kolej Kediaman	<ol style="list-style-type: none">a. Program Diploma Tahun 1 dan 2;b. Pelajar Tahun Akhir;c. Penggunaan makmal/bengkel atau lain-lain;d. Berkeperluan akses Internet dan apa-apa sumber di Universiti; dane. Pelajar Sarjana Muda yang mengambil kursus <i>Integrated Design Project</i> (IDP).
Memasuki kampus dan tinggal di luar UTeM	<ol style="list-style-type: none">a. Pelajar tahun akhir yang mengambil Projek Sarjana Muda yang layak.b. Pelajar Sarjana Muda yang mengambil kursus <i>Integrated Design Project</i> (IDP) yang layak.c. Pelajar pascasiswazah yang berkeperluan makmal/bengkel dan seumpama.d. Pelajar yang mengikuti Peperiksaan MUET.

- 3.3 Walau bagaimanapun, pelajar yang berada dalam Kolej Kediaman perlu menjalani pengasingan selama sepuluh (10) hari, bermula 14 Mac sehingga 24 Mac 2021, terutama bagi pelajar yang datang dari Zon PKP/PKPB. Pelajar akan dipantau di Zon Pengasingan seperti mana yang telah ditetapkan oleh Universiti.
- 3.4 Pelaksanaan PdP pada Semester II Sesi 2020/2021 mengikut Kalender Akademik Semester II Sesi 2020/2021 secara hibrid.
 - 3.4.1 Mod PdP secara dalam talian dijalankan bagi kursus yang bersesuaian.

- 3.4.2 Kursus juga boleh dijalankan secara bersemuka mengikut SOP yang telah ditetapkan.
 - 3.4.3 Fakulti/Pusat/Institut perlu mengenal pasti kursus yang akan dijalankan secara dalam talian sepenuhnya dan kursus yang dijalankan secara hibrid.
 - 3.4.4 Pengendalian kursus ini merangkumi kursus yang ditawarkan kepada program prasiswazah dan pascasiswazah.
 - 3.4.5 Aktiviti projek, bengkel atau pun apa-apa aktiviti penyelidikan yang berkeperluan secara fizikal.
- 3.5 Aktiviti PdP bermula pada 15 Mac 2021 mengikut Kalendar Akademik UTeM.
 - 3.5.1 PdP akan dijalankan secara dalam talian mulai daripada 15 Mac 2021 sehingga 26 Mac 2021.
 - 3.5.2 PdP secara hibrid akan dilaksanakan bermula 29 Mac 2021.
 - 3.5.3 Bagi kursus yang dijalankan secara bersemuka/fizikal, Fakulti/PTJ akan memastikan aktiviti PdP ini bermula pada 29 Mac 2021.
 - 3.5.4 Semua kursus yang ditawarkan mestilah memenuhi keperluan SLT kursus yang telah disasarkan dalam Perancangan Mengajar.
 - 3.5.5 Pelaksanaan PdP perlu dilihat dengan teliti. Fakulti/PTJ diminta mencadangkan kaedah alternatif terbaik bagi mengatasi masalah ini.

3.6 Penilaian Pelajar

- 3.6.1 Fakulti bertanggungjawab memastikan pemilihan penilaian kursus bagi Semester II Sesi 2020/2021 memenuhi keperluan badan akreditasi.
 - 3.6.2 Bagi kursus yang membuat penilaian secara dalam talian, fakulti mestilah merujuk kepada Garis Panduan Penilaian dan Peperiksaan Dalam Talian yang telah dikeluarkan oleh Universiti. Proses penilaian juga perlu lebih baik dengan menitikberatkan ciri-ciri keselamatan dan integriti yang bersesuaian selaras dengan keperluan program bagi menjamin agar penilaian dilaksanakan dengan adil, sah dan telus.
 - 3.6.3 Setiap program juga wajib membuat pemantauan terhadap setiap penilaian yang dibuat supaya pelajar jelas dan boleh mengikuti sesi penilaian sepanjang PdP berlangsung.
- 3.7 Sebarang aktiviti akademik secara fizikal di kampus perlu merujuk kepada Pekeliling Akademik Bilangan 11 Tahun 2020 iaitu Garis Panduan Pelaksanaan Aktiviti Fizikal Pengajaran Dan Pembelajaran (PdP) Menggunakan Fasiliti Di Fakulti/Pusat/Institut Dalam Pelaksanaan Normal Baharu Di UTeM.
 - 3.8 Sebarang perubahan PdP ini masih lagi tertakluk kepada keperluan badan akreditasi atau standard bagi program akademik masing-masing dan memenuhi pematuhan ISO 9001:2015.
 - 3.9 Sebarang perubahan adalah tertakluk kepada arahan kerajaan dari masa ke masa.

4.0 TARIKH KUAT KUASA

Pelaksanaan Pengajaran dan Pembelajaran (PdP) secara hibrid bagi Semester II Sesi 2020/2021 kepada pelajar Universiti Teknikal Malaysia Melaka (UTeM) berkuat kuasa mulai **15 Mac 2021**.

Sekian, terima kasih.

“PRIHATIN RAKYAT: DARURAT MEMERANGI COVID-19”

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT

Ketua Pegawai Operasi

Universiti Teknikal Malaysia Melaka